

都嚴久散花少僧都院源律師明肇引頭慶命尋光等律師堂達林懷莊命等也在法眼納衆卅人此中三綱八人讚衆廿人梵音衆廿人錫杖衆廿人威儀二人定者二人也會指圖在別入禮上達部右府內府前帥春宮大夫右衛門督左衛門督中宮權大夫權中納言藤中納言勘解由長官左兵衛督左大辨大藏卿修理大夫三位中將宰相中將等也不來人尹中納言式部大輔也內藏寮冷泉院花山院皇太后中宮一品宮有御諷誦一門男女可然所有此事使使有祿物酉時事了人々還出後始三昧以院源僧都令申事由此前打火可付香者余○藤原道長取火打白佛言此願非爲現世榮耀壽命福祿唯坐此山先考先妣及奉始昭宣公諸亡靈爲無上菩提從今後來之一門人々爲引導極樂也心中清淨願釋迦大師普賢菩薩自證明給打火是爲用清淨火也早付爲悅晚付不爲恨祈請打火不及二度一度得火感淚數行見聞道俗流淚如雨付香舉燈明白事由推三寶堂僧時剋吹螺新螺聲未調不快余作念最始吹螺欲奉三寶取螺試吹之螺聲長大也萬人感悅之笛會之上達部春宮大夫右衛門督中宮權大夫左大辨修理大夫三位中將宰相中將等也別當前大僧正觀修三綱隨被定別當堂僧等送房具寺名觀修付也式部權大輔願文持來有祿物左大辨願文咒願等書從中宮名香給使公信朝臣賜祿物供養三昧經件經每卷初只手自書此外法花經一百部心經百卷供養事了子時許還來

〔本朝文粹十三〕爲左大臣○藤原道長供養淨妙寺願文

江匡衡

弟子大日本國左大臣正二位藤原朝臣某前白靈山淨土釋迦尊○中略昔弱冠著緋之時從先考大相○兼家屢詣木幡墓所仰三重瞻四碱古塚衆々幽隧寂々佛儀不見只見春花秋月法音不聞只聞溪鳥嶺猿爾時不覺淚下竊作斯念我若向後至大位心事相諧者爭於茲山脚造一堂修三昧福助過去恢弘方來思以涉歲不敢語人爰承累葉之慶浴皇化之恩年三十極人臣之位十一年忝王佐之任皇帝之爲舅也皇后之爲父也榮餘於身賞過於分如履虎尾如撫龍鬚因茲雖趨朝廷雖居私廬發菩提心凝道塲觀行住坐臥事三寶造次顛沛歸一乘抑撿家譜萬歲藤之榮所以卓犖萬姓其理可然何者